

საქართველოს განათლებისა და მეცნიერების
სამინისტრო



საქართველოს განათლებისა და მეცნიერების სამინისტროს მიერ „საჯარო სკოლის მოსწავლეების
ტრანსპორტით უზრუნველყოფის“ პროგრამის (პროგრამული კოდი: 320211) დაფინანსების ფარგლებში
სატრანსპორტო მომსახურების შესყიდვა (CPV:60170000)
(კახეთი, თბილისი, სამცხე-ჯავახეთი, ქვემო ქართლის რეგიონები)

ელექტრონული ტენდერის
სატენდერო დოკუმენტაცია

ქ. თბილისი
2016 წელი

წინამდებარე სატენდერო დოკუმენტაცია შედგენილი საქართველოს კანონის „სახელმწიფო შესყიდვების შესახებ“
და „გამარტივებული ელექტრონული ტენდერის და ელექტრონული ტენდერის ჩატარების წესის დამტკიცების
შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით
დამტკიცებული წესის საფუძველზე

ინსტრუქცია ტენდერში მონაწილეთათვის

ტენდერში მონაწილეთა მხრიდან სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

ინსტრუქტაჟი შესაძლებელი ასევე იხილოთ: <http://procurement.gov.ge>

-)/ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.
-)/ პრეტენდენტის მიერ წარმოდგენილი ყველა დოკუმენტი ან/და ინფორმაცია დამოწმებული უნდა იყოს უფლებამოსილი ან მისი ნდობით აღჭურვილი პირის ხელმოწერითა და ბეჭდით (ასეთის არსებობის შემთხვევაში). (მინდობილობის არსებობის შემთხვევაში აღნიშნული დოკუმენტი ატვირთული უნდა იქნეს ერთიან ელექტრონულ სისტემაში).
-)/ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.
-)/ ტენდერით მოთხოვნილი არ იქნება გამარჯვებული პრეტენდენტის მხრიდან საკვალიფიკაციო მონაცემების დამადასტურებელი დოკუმენტების წარმოდგენა.
-)/ ტენდერში გამოყენებული იქნება **სატენდერო წინადადების უზრუნველყოფის გარანტია** (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება 160 კალენდარული დღით ტენდერისათვის „წინადადებების მიღება დაწყებული“ სტატუსის მინიჭების ეტაპიდან.
-)/ სატენდერო საფასურის ოდენობა შეადგენს 50 ლარს.
შენიშვნა: ელექტრონული გარანტიის ბენეფიციარი/მიმღები არის სააგენტო. ელექტრონული გარანტიის სააგენტოსთვის წარდგენა და საფასურის გადახდა ხორციელდება სისტემაში არსებული ავტომატური საშუალებების მეშვეობით. ელექტრონული გარანტიისა და საფასურის წარდგენა ხდება ტექნიკური დოკუმენტაციის სისტემაში ატვირთვამდე.
-)/ პრეტენდენტს არ აქვს უფლება წარმოადგინოს ალტერნატიული წინადადება.
-)/ მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის პირობებზე დათანხმება ხდება ერთიან ელექტრონულ სისტემაში შესაბამის ღილაკზე დაჭერით.

სატენდერო დოკუმენტაციის შესახებ დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან: ნატალია ბოჭორიშვილი, მარიამ ფალიაშვილი, ნათია ჟიკაძე, ნათია მჭავია, ხათუნა სანიკიძე ტელ: 2 200 220 (1273, 1274), ელ-ფოსტა: nbochorishvili@mes.gov.ge, makapaliashvili@mes.gov.ge მისამართი: ქ. თბილისი, უზნაძის ქ. №52, ოთახი 128

ტექნიკური დავალება

1. **შესყიდვის ობიექტი:** საქართველოს განათლებისა და მეცნიერების სამინისტროს მიერ 2016 წლის სახელმწიფო ბიუჯეტის „საჯარო სკოლის მოსწავლეების ტრანსპორტით უზრუნველყოფა“ პროგრამის (პროგრამული კოდი: 320211) დაფინანსების ფარგლებში **სატრანსპორტო მომსახურების შესყიდვა დანართში მოცემული გრაფიკის მიხედვით (დანართი თან ერთვის ცალკე ფაილად).**

მომსახურების გაწევის ადგილი - საქართველო, კახეთი, თბილისი, სამცხე-ჯავახეთი, ქვემო ქართლის რეგიონები (დანართის შესაბამისად).

მომსახურების ვადა: სატრანსპორტო მომსახურება უნდა განხორციელდეს 2016 წლის 15 სექტემბრიდან 29 დეკემბრის ჩათვლით.

სასწავლო დღეების სავარაუდო რაოდენობა:

ა) ჩვეულებრივი საჯარო სკოლებისათვის - 74 დღე;

ბ) პანსიონის ტიპის საჯარო სკოლებისათვის - 34 დღე;

გ) საჯარო სკოლებისათვის რომლებიც დამატებით შაბათ დღეს სწავლობენ - 89 დღე.

მომსახურების სავარაუდო ღირებულება: 1 345 059,0 (ერთი მილიონ სამასორმოცდახუთი ათას ორმოცდაცხრამეტი) ლარი.

2. მომსახურების გაწევის პირობები:

2.1 მომსახურება უნდა განხორციელდეს ტექნიკურად გამართული ავტოსატრანსპორტო საშუალებებით. ტრანსპორტი (ავტობუსი, მიკრო ავტობუსი, მსუბუქი ავტომობილი) თითოეული პუნქტისათვის უნდა შეირჩეს გადასაყვან ბაგეშთა რაოდენობისა და ადგილის რელიეფის შესაბამისად; დაცული უნდა იყოს საქართველოში მოქმედი კანონმდებლობის შესაბამისი უსაფრთხო გადაადგილების ყველა ნორმა.

2.2 ტენდერში გამარჯვებულმა პრეტენდენტმა სატრანსპორტო მომსახურების გაწევა უნდა უზრუნველყოს შესაბამისი მოცულობისა და რაოდენობის ავტოსატრანსპორტო საშუალებებით მოქმედი კანონმდებლობით გათვალისწინებით ნორმების დაცვით.

2.3 სატრანსპორტო მომსახურების განხორციელების პერიოდში სავალდებულოა მგზავრის (მოსწავლეები) დაზღვევა, რომლის ასანაზღაურებელი ლიმიტი არ უნდა იყოს 1500 ლარზე ნაკლები.

2.4 ავტოსატრანსპორტო საშუალებებს უნდა მართავდნენ შესაბამისი მართვის უფლების მქონე მძღოლები.

2.5 მიმწოდებელმა უნდა უზრუნველყოს მოსწავლეთა სატრანსპორტო მომსახურების განხორციელება საქართველოს კანონის „საგზაო მოძრაობის შესახებ“ წესების დაცვით.

2.6 სატრანსპორტო მომსახურება გულისხმობს წინასწარ დათქმული ადგილებიდან საჯარო სკოლამდე და სკოლიდან უკან მოსწავლეების გადაყვანის მომსახურების განხორციელებას შემსყიდველთან შეთანხმებული (დანართის შესაბამისად) მიმართულებებისა და გრაფიკის მიხედვით.

2.7 მოსწავლეთა სატრანსპორტო მომსახურებით უზრუნველყოფა უნდა მოხდეს სასწავლო დროის დაწყებამდე და დასრულებიდან გონივრულ ვადაში (მოსწავლეთა სკოლაში მიყვანა უნდა განხორციელდეს სასწავლო პროცესის დაწყებამდე არაუგვიანეს 5 წუთისა და არაუმეტეს 25 წუთისა. ხოლო სკოლიდან წამოყვანა უნდა განხორციელდეს სასწავლო პროცესის დასრულებიდან - არაუგვიანეს 25 წუთისა).

შენიშვნა: ერთი სატრანსპორტო საშუალებით მოსწავლეთა ტრანსპორტირება უნდა განხორციელდეს არაუმეტეს 4 გზისა (რაც გულისხმობს ორჯერ წაყვანა-წამოყვანას). „ერთი გზა“-ში იგულისხმება მანძილი მოსწავლეების აყვანის ადგილიდან საჯარო სკოლამდე ან უკან იგივე ადგილამდე. გზების რაოდენობას განსაზღვრავს პრეტენდენტი მოსწავლეთა რაოდენობის მიხედვით შესაბამისი ტრანსპორტის ტიპის და უსაფრთხოების ნორმების გათვალისწინებით.

2.8 ავტოსატრანსპორტო საშუალება უნდა მოძრაობდეს ზუსტად იმ მარშრუტით, რომელიც მითითებულია დანართში (ფორს-მაჟორული გარემოებების გარდა).

2.9 ტენდერში მონაწილეობის მსურველმა პირებმა უნდა გაითვალისწინონ, რომ ანგარიშვალდებულნი იქნებიან როგორც შემსყიდველის, ასევე, საქართველოს განათლებისა და მეცნიერების სამინისტროს ტერიტორიული ორგანოს - შესაბამისი საგანმანათლებლო რესურსცენტრის და საჯარო სკოლების ადმინისტრაციის წინაშე.

2.10 იმ შემთხვევაში, თუ შემსყიდველის მიერ მიწოდებული საჯარო სკოლების ჩამონათვალში მითითებული რომელიმე მიმართულების შესრულება შეუძლებელია და აღნიშნული მიმართულება მომსახურების გაწევის პერიოდში ვერ სრულდება თვის განმავლობაში 14 დღეზე მეტი ვადით, ასეთ შემთხვევაში შემსყიდველი უფლებამოსილია ცალმხრივად მიიღოს გადაწყვეტილება და ამოიღოს შესაბამისი მიმართულება ხელშეკრულებიდან.

აუცილებელი პირობა:

პრეტენდენტმა უნდა წარმოადგინოს ინფორმაცია კონკრეტულ მიმართულებაზე სატრანსპორტო საშუალების ტევადობის შესახებ. კონკრეტულ მიმართულებაზე განსაზღვრული გზების რაოდენობა და სატრანსპორტო საშუალების ტევადობა შესაბამისობაში უნდა იყოს გადასაცემ მოსწავლეთა რაოდენობასთან.

შემოთავაზებული ფასები უნდა მოიცავდეს შესყიდვის ობიექტის მოწოდებასთან დაკავშირებულ ყველა ხარჯს და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღ-ს გათვალისწინებით.

ტენდერში მონაწილეობის მსურველს უნდა გააჩნდეს მზავრთა გადაყვანის მომსახურების გამოცდილება და ამასთანავე, მზავრთა გადაყვანის სატრანსპორტო მომსახურებაზე პრეტენდენტის მინიმალური წლიური ბრუნვა უნდა შეადგენდეს 50 000 (ორმოცდაათი ათასი) ლარს (ბოლო ხუთი წლის განმავლობაში, ერთი წლის ბრუნვა მაინც)

მიმწოდებელმა 2016 წლის 24 დეკემბრამდე უნდა წარმოადგინოს 2016 წლის 12 დეკემბრიდან 2016 წლის 29 დეკემბრის ჩათვლით განსახორციელებული მომსახურების ჯამური ღირებულების იდენტური ოდენობის წინასწარი ანგარიშსწორების საბანკო საავანსო გარანტია, რომლის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას. საბანკო გარანტია გაცემული უნდა იყოს მხოლოდ საბანკო დაწესებულების მიერ.

ტენდერში გამოყენებული იქნება სატენდერო წინადადების უზრუნველყოფის 1%-იანი და ხელშეკრულების შესრულების უზრუნველყოფის 5%-იანი გარანტიები.

ხელშეკრულების შესრულების უზრუნველყოფის 5%-იანი საბანკო გარანტიის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას. საბანკო გარანტია გაცემული უნდა იყოს – საბანკო დაწესებულების ან/და სადაზღვევო ორგანიზაციის მიერ. საბანკო გარანტია უნდა იყოს უპირობო (გარანტიით გათვალისწინებული თანხები შემსყიდველმა უნდა მიიღოს ყოველგვარი დამატებითი განმარტებისა და მტკიცებულების წარდგენის გარეშე, პირველი მოთხოვნისთანავე). სხვა პირობები მოყვანილია ხელშეკრულების პროექტში.

იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, ასეთ შემთხვევაში გამოიყენება ხელშეკრულების შესრულების უზრუნველყოფის გარანტია 10%-ის ოდენობით.

ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასის 20%-ით ან მეტით შემცირების შემთხვევაში, ფასწარმოქმნის ადეკვატურობის დასაბუთების მიზნით, პრეტენდენტმა წარმოადგინოს ექსპერტიზის დასკვნა, რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

* ექსპერტიზის დასკვნის წარმოდგენის შემთხვევაში, წარმოდგენილ უნდა იქნას საექსპერტო ან/და აუდიტორული საქმიანობის განხორციელების უფლების დამადასტურებელი დოკუმენტი (სერთიფიკატი და სხვა).

3. ანგარიშსწორების პირობები:

3.1 ანგარიშსწორება იწარმოებს უნაღდო ანგარიშსწორების ფორმით, ეროვნულ ვალუტაში, ეტაპობრივად, ფაქტიურად გაწეული მომსახურების შესაბამისად და კანონმდებლობით გათვალისწინებული დოკუმენტაციის (მიღება-ჩაბარების აქტის) გაფორმებიდან 10 სამუშაო დღის განმავლობაში.

3.2 მიღება-ჩაბარების აქტის გაფორმების საფუძველი იქნება სპეციალური ფორმა - ტაბელი (შემსყიდველის მიერ დამტკიცებული), რომელიც შეივსება საჯარო სკოლის უფლებამოსილი პირისა და მიმწოდებლის მხრიდან უფლებამოსილი პირის (მძღოლის) მიერ და დადასტურებული იქნება ორივე მხარის ხელმოწერით, ასევე, შესაბამისი რესურსცენტრიდან მიღებული მონიტორინგის ანგარიში. აღნიშნული დოკუმენტების წარმოდგენლობის შემთხვევაში არ გაფორმდება მიღება-ჩაბარების აქტი.

3.3 ტაბელის ფორმა უნდა შეივსოს ყოველდღიურად და შემსყიდველს წარედგინოს ყოველი მომდევნო თვის 10 რიცხვამდე (გამონაკლისი იხილეთ ხელშეკრულების პროექტში).

3.4 მიმწოდებლის მიერ წარმოდგენილი 2016 წლის 12 დეკემბრიდან 2016 წლის 29 დეკემბრის ჩათვლით განსახორციელებული მომსახურების ჯამური ღირებულების იდენტური ოდენობის წინასწარი ანგარიშსწორების საბანკო საავანსო გარანტია, შესაბამისად გაიცემა ავანსი. საავანსო გარანტიის დაქვითვა მოხდება 2015 წლის 12 დეკემბრიდან 29 დეკემბრის ჩათვლით ფაქტიურად გაწეული მომსახურების ღირებულების შესაბამისად, შედარების აქტის გაფორმების საფუძველზე. იმ შემთხვევაში, თუ ავანსად გაცემულ თანხასა და ფაქტიურად გაწეული მომსახურების ღირებულებას შორის იქნება სხვაობა, მიმწოდებელი ვალდებულია აღნიშნული სხვაობა შედარების აქტის გაფორმებიდან არაუმეტეს სამი სამუშაო დღისა დააბრუნოს შემსყიდველის მიერ მითითებულ ანგარიშზე.

3.5 წინასწარი ანგარიშსწორება დასაშვებია არაუმეტეს ხელშეკრულების ჯამური ღირებულების 20%-ისა (წინასწარი ანგარიშსწორება 3.4 პუნქტში მითითებულის გათვალისწინებით ჯამში არ უნდა იყოს 20%-ტზე მეტი), რისთვისაც წარმოსადგენი იქნება იდენტური ოდენობის წინასწარი ანგარიშსწორების საავანსო საბანკო გარანტია, რომლის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას. საბანკო გარანტია გაცემული უნდა იყოს მხოლოდ საბანკო დაწესებულების მიერ. ავანსის დაქვითვა მოხდება დადგენილი წესით დადასტურებული პირველივე შესრულებულის მომსახურებიდან. მითითებული დაქვითვა არ შეეხება 2016 წლის 12 დეკემბრიდან 2016 წლის 29 დეკემბრის ჩათვლით განსახორციელებული მომსახურების ჯამური ღირებულებას, რომელის დაქვითვის წესიც მოყვანილია 3.4 პუნქტში.

4.პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტაცია და ინფორმაცია:

- ა) ინფორმაცია კომპანიის რეკვიზიტების შესახებ (ორგანიზაციის ან ფიზიკური პირის დასახელება, იურიდიულ მისამართი, ტელეფონის/ფაქსის ნომერი, საბანკო რეკვიზიტები, ხელმძღვანელ(ებ)ის სახელი და გვარი;
- ბ) ინფორმაცია ტრანსპორტირების მომსახურებაზე გამოცდილების შესახებ, რომელიც გულისხმობს მხოლოდ მგზავრთა გადაყვანის სატრანსპორტო მომსახურებას.
- გ) ინფორმაცია ერთი ფინანსური წლის სახსრების ბრუნვის შესახებ დადასტურებული შესაბამისი დოკუმენტით. მგზავრთა გადაყვანის სატრანსპორტო მომსახურებაზე პრეტენდენტის მინიმალური წლიური ბრუნვა უნდა შეადგენდეს 50 000 (ორმოცდაათი ათასი) ლარს (ბოლო ხუთი წლის განმავლობაში, ერთი წლის ბრუნვა მაინც)
- დ) ინფორმაცია დაზღვევის პირობების შესახებ.
- ე) მომსახურების გაწევის გეგმა (ხედვა).
- ვ) მომსახურების ხარჯთაღრიცხვა დანართის შესაბამისად. (ხარჯთაღრიცხვაში უნდა შეივსოს ყველა ველი, მათ შორის ინფორმაცია კონკრეტულ მიმართულებაზე სატრანსპორტო საშუალების ტევადობის შესახებ. პრეტენდენტის მიერ კონკრეტულ მიმართულებაზე განსაზღვრული გზების რაოდენობა და სატრანსპორტო საშუალების ტევადობა შესაბამისობაში უნდა იყოს გადასაყვან მოსწავლეთა რაოდენობასთან)

5. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ტექნიკური დავალებით განსაზღვრულ მოთხოვნებზე:

- ა) სატენდერო წინადადება ძალაშია მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის (ერთ-ერთი) მინიჭებამდე.
- ბ) მომსახურების გაწევა განხორციელდება ტექნიკურ დავალებაში მოცემული პირობებით;
- გ) ანგარიშსწორების პირობები.

ერთი მხრივ, საქართველოს განათლებისა და მეცნიერების სამინისტრო (შემდგომში „შემსყიდველი“) წარმოდგენილი მინისტრის პირველი მოადგილის ქეთევან ნატრიაშვილის სახით და მეორე მხრივ, ----- (შემდგომში „მიმწოდებელი“), წარმოდგენილი მისი დირექტორის -----სახით, სახელმწიფო შესყიდვების შესახებ კანონისა და მიმწოდებლის სატენდერო წინადადების საფუძველზე, SPA----- ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6 „საქონელი/მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

მიმწოდებელმა საქართველოს განათლებისა და მეცნიერების სამინისტროს „საჯარო სკოლის მოსწავლეების ტრანსპორტით უზრუნველყოფის“ პროგრამის (პროგრამული კოდი: 320211) დაფინანსების ფარგლებში უნდა უზრუნველყოს საქართველოს საჯარო სკოლების (----- რეგიონი) მოსწავლეების სატრანსპორტო მომსახურება (CPV60170000).

3. მომსახურების გაწევის პირობები და ვადები

- 3.1 წინამდებარე ხელშეკრულებით სატრანსპორტო მომსახურება გულისხმობს წინასწარ დათქმული ადგილებიდან საჯარო სკოლამდე და სკოლიდან უკან მოსწავლეების გადაყვანის მომსახურების განხორციელებას წინამდებარე ხელშეკრულების დანართში მითითებული მიმართულებისა და გრაფიკის მიხედვით (მოსწავლეთა სკოლაში მიყვანა უნდა განხორციელდეს სასწავლო პროცესის დაწყებამდე არაუგვიანეს 5 წუთისა და არაუმეტეს 25 წუთისა. ხოლო სკოლიდან წამოყვანა უნდა განხორციელდეს სასწავლო პროცესის დასრულებიდან - არაუგვიანეს 25 წუთისა).
- 3.2 მომსახურების გაწევის ადგილია საქართველო, ----- რეგიონი.
- 3.3 მომსახურების ვადა: **2016 წლის 15 სექტემბრიდან 29 დეკემბრის ჩათვლით** (სასწავლო დღეების სავარაუდო რაოდენობა - ჩვეულებრივ საჯარო სკოლებში - 74 დღე, პანსიონის ტიპის სკოლებში - 34 დღე (წყევანა ან წამოყვანა), იმ სკოლებში, სადაც სასწავლო პროცესი მიმდინარეობს შაბათ დღეს - 89 დღე).
- 3.4 მომსახურება გაწეული იქნება ტექნიკურად გამართული ავტოსატრანსპორტო საშუალებით.
- 3.5 სატრანსპორტო მომსახურების გაწევის პერიოდში მიმწოდებელსა და სადაზღვევო კომპანიას შორის გაფორმებული ხელშეკრულების საფუძველზე, სადაზღვევო კომპანია ----- (პოლისის N -----) მიერ განხორციელებული იქნება მგზავრთა გადაყვანის პროცესში მოსწავლეების (მგზავრების) დაზღვევა ტენდერის პირობების მიხედვით, არანაკლებ 1500.00 (ერთი ათას ხუთასი) ლარის ოდენობის სადაზღვევო თანხის ლიმიტით (დანართი N3).

4. ხელშეკრულების ღირებულება

- 4.1 ხელშეკრულების ჯამური ღირებულება შეადგენს - ----- ლარი.
- 4.2 ერთეულის ფასები შესაბამისი საჯარო სკოლებისა და მიმართულებების მიხედვით გაწერილია დანართი N1-ში.
- 4.3 ხელშეკრულების ღირებულება მოიცავს საქართველოს კანონმდებლობით გათვალისწინებულ ყველა გადასახადს (მათ შორის დღგ-ს).

5. ანგარიშსწორება

5.1 ანგარიშსწორების ფორმა: უნაღდო.

5.2 ანგარიშსწორების ვალუტა - ლარი.

5.3 ანგარიშსწორება განხორციელდება ეტაპობრივად, შემსყიდველისა და მიმწოდებლის მიერ ფინანსური დოკუმენტაციისა და მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის განმავლობაში.

5.4 მიმწოდებლის მიერ ტენდერის პირობებიდან გამომდინარე შემსყიდველისათვის წარმოდგენილი 2016 წლის 12 დეკემბრიდან 2016 წლის 29 დეკემბრის ჩათვლით განსახორციელებული მომსახურების ჯამური ღირებულების იდენტური ოდენობის წინასწარი ანგარიშსწორების საბანკო საავანსო გარანტიის, შესაბამისად გაიცემა ავანსი. ავანსად გაცემული თანხის დაქვითვა მოხდება 2016 წლის 12 დეკემბრიდან 29 დეკემბრის ჩათვლით ფაქტიურად გაწეული მომსახურების ღირებულების შესაბამისად, შედარების აქტის გაფორმების საფუძველზე. იმ შემთხვევაში, თუ ავანსად გაცემულ თანხასა და ფაქტიურად გაწეული მომსახურების ღირებულებას შორის იქნება სხვაობა, მიმწოდებელი ვალდებულია აღნიშნული სხვაობა შედარების აქტის გაფორმებიდან არაუმეტეს სამი სამუშაო დღისა და ავანსის შემსყიდველის მიერ მითითებულ ანგარიშზე.

5.5 წინასწარი ანგარიშსწორება დასაშვებია არაუმეტეს ხელშეკრულების ჯამური ღირებულების 20%-ისა (წინასწარი ანგარიშსწორება 5.4 პუნქტში მითითებულის გათვალისწინებით ჯამში არ უნდა იყოს 20%-ტზე მეტი), რისთვისაც წარმოსადგენი იქნება იდენტური ოდენობის წინასწარი ანგარიშსწორების საბანკო საავანსო გარანტია, რომლის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას. საბანკო გარანტია გაცემული უნდა იყოს მხოლოდ საბანკო დაწესებულების მიერ. ავანსის დაქვითვა მოხდება დადგენილი წესით დადასტურებული პირველივე შესრულებულის მომსახურებიდან. მითითებული დაქვითვა არ შეეხება 2016 წლის 12 დეკემბრიდან 2016 წლის 29 დეკემბრის ჩათვლით განსახორციელებული მომსახურების ჯამური ღირებულებას, რომელის დაქვითვის წესიც მოყვანილია 5.4 პუნქტში.

6. მხარეთა უფლება-მოვალეობები

6.1 მიმწოდებელი ვალდებულია შემსყიდველს გაუწიოს სატრანსპორტო მომსახურება ხელშეკრულებით გათვალისწინებული პირობების შესაბამისად. მომსახურება უნდა განხორციელდეს ტექნიკურად გამართული ავტოსატრანსპორტო საშუალებებით. ტრანსპორტი (ავტობუსი, მიკრო ავტობუსი, მსუბუქი ავტომობილი) თითოეული პუნქტისათვის უნდა შეირჩეს გადასაყვან ბავშვთა რაოდენობისა და ადგილის რელიეფის შესაბამისად; დაცული უნდა იყოს მოქმედი კანონმდებლობის შესაბამისი უსაფრთხო გადაადგილების ყველა ნორმა.

6.2 მიმწოდებელი ვალდებულია 2016 წლის 24 დეკემბრამდე შემსყიდველს წარუდგინოს 2016 წლის 12 დეკემბრიდან 2016 წლის 29 დეკემბრის ჩათვლით განსახორციელებული მომსახურების ჯამური ღირებულების იდენტური ოდენობის წინასწარი ანგარიშსწორების საბანკო საავანსო გარანტია, რომლის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას. საბანკო გარანტია გაცემული უნდა იყოს მხოლოდ საბანკო დაწესებულების მიერ.

6.3 მიმწოდებელი იძლევა გარანტიას, რომ მის მიერ გაწეული მომსახურება არ გამოავლენს ხარვეზებს და იქნება ხარისხიანი, წინააღმდეგ შემთხვევაში გამოყენებული იქნება წინამდებარე ხელშეკრულებით გათვალისწინებული პირობები.

6.4 მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადაში.

6.5 იმ შემთხვევაში როდესაც კონკრეტული მიმართულება ვერ სრულდება თვის განმავლობაში 14 დღეზე მეტი ვადით, ასეთ შემთხვევაში შემსყიდველი უფლებამოსილია ცალმხრივად მიიღოს გადაწყვეტილება და ამოიღოს შესაბამისი მიმართულება ხელშეკრულებიდან.

6.6 შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადაში.

6.7 შემსყიდველი ვალდებულია განახორციელოს ამ ხელშეკრულებით გათვალისწინებული სხვა ვალდებულებები.

6.8 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

7. შესყიდვის ობიექტის მიღება-ჩაბარების წესი

7.1 მომსახურება ჩაითვლება მიღებულად მხოლოდ მხარეებს შორის შესაბამისი მიღება-ჩაბარების აქტისა და ფინანსური დოკუმენტაციის გაფორმების შემდეგ;

7.2 მიღება-ჩაბარების აქტის გაფორმების საფუძველია:

ა) მიმწოდებელსა და საჯარო სკოლების ადმინისტრაციას შორის გაფორმებული და ორივე მხარის მიერ ხელმოწერილი (უფლებამოსილი წარმომადგენლის მიერ) ტაბელი (დანართი N2 ტაბელის ფორმა), რომელიც ივსება ყოველდღიურად და შემსყიდველს წარედგინება ყოველი მომდევნო თვის 10 რიცხვამდე.

ბ) შესაბამისი რესურსცენტრის ანგარიშის საფუძველზე საქართველოს განათლებისა და მეცნიერების სამინისტროს ზოგადი განათლებისა და განვითარების დეპარტამენტის დასკვნა.

7.3 შემსყიდველის მხრიდან მიღება-ჩაბარების აქტზე ხელმოწერის უფლება ენიჭება საქართველოს განათლებისა და მეცნიერების სამინისტროს ეკონომიკური დეპარტამენტის და ზოგადი განათლების მართვისა და განვითარების დეპარტამენტის უფროსებს (მათი არყოფნის შემთხვევაში უფლებამოსილ პირებს).

7.4 მიღება-ჩაბარების აქტი ფორმდება მიმწოდებლის მიერ ტაბელების წარმოდგენიდან 20 სამუშაო დღის ვადაში.

8. ხელშეკრულების შესრულების კონტროლი

8.1 ხელშეკრულების შესრულების კონტროლს განახორციელებს საქართველოს განათლებისა და მეცნიერების სამინისტროს ტერიტორიული ორგანოს - საგანმანათლებლო რესურსცენტრების საამისოდ უფლებამოსილი წარმომადგენლები. ასევე, კონტროლი შესაძლებელია განახორციელოს საქართველოს განათლებისა და მეცნიერების სამინისტროს ზოგადი განათლების მართვის და განვითარების დეპარტამენტის უფლებამოსილმა თანამშრომლებმა.

8.2 კონტოლის განმახორციელებელი პირ(ები) (საგანმანათლებლო რესურსცენტრის საამისოდ უფლებამოსილი წარმომადგენელი) ვალდებულია ყოველი თვის ბოლოს, თავის სამოქმედო ტერიტორიაზე, საჯარო სკოლებთან შეამოწმოს (გადაამოწმოს) მიმწოდებლის მიერ განხორციელებული მომსახურება და წერილობითი ფორმით აცნობოს საქართველოს განათლებისა და მეცნიერების სამინისტროს ზოგადი განათლების მართვისა და განვითარების დეპარტამენტს შემოწმების შედეგების შესახებ.

8.3 თავის მხრივ, საქართველოს განათლებისა და მეცნიერების სამინისტროს ზოგადი განათლების მართვისა და განვითარების დეპარტამენტის შესაბამისი თანამშრომელი ვალდებულია შეადგინოს შესაბამისი დასკვნა (წერილობითი ფორმით), რომელშიც აღნიშნული იქნება მონიტორინგის შედეგად გამოვლენილი დეფექტები და ხარვეზები. აღნიშნული დასკვნა (მიმწოდებლის მიერ წარმოდგენილ ტაბელებთან ერთად) იქნება საფუძველი მიღება-ჩაბარების აქტის გაფორმებისა.

8.4 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი პერსონალით, სხვა სამუშაო პირობებით. იმ შემთხვევაში, თუ შემსყიდველი კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

8.5 მიმწოდებელი ვალდებულია შემდგომი მომსახურების პერიოდში უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

8.6 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულებით გათვალისწინებული ვალდებულებებისაგან.

9. ინტერესთა კონფლიქტი

საქართველოს კანონის „სახელმწიფო შესყიდვების შესახებ“ მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში „მიმწოდებელთან“.

10. ხელშეკრულების უზრუნველყოფის გარანტია

10.1 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილია სს „----- ბანკის“ მიერ ----- გაცემული №----- საბანკო გარანტია თანხით - ----- ლარი, გარანტიის მოქმედების ვადა -----.

10.2 გარანტია უნდა იყოს „უპირობო“, ე.ი. გარანტიით გათვალისწინებული თანხები შემსყიდველმა უნდა მიიღოს ყოველგვარი დამატებითი განმარტებისა და მტკიცებულების წარდგენის გარეშე, პირველი მოთხოვნისთანავე.

10.3 ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი უპირობო გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო.

10.4 მიმწოდებლის მიერ ხელშეკრულებით ნაკისრი ვალდებულების სრულად შესრულების ან მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემდეგ შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია და/ან მასთან დაკავშირებული დოკუმენტაცია 14 დღის განმავლობაში.

10.5 მიმწოდებლის ინიციატივით ხელშეკრულების შეწყვეტის შემთხვევაში შემსყიდველი უფლებამოსილია გამოიყენოს საბანკო გარანტია სრული ოდენობით.

10.6 შემსყიდველი უფლებამოსილია ხელშეკრულების შესრულების საბანკო გარანტია გამოიყენოს მიმწოდებლის მიერ ხელშეკრულებით გათვალისწინებული ნებისმიერი ვალდებულების შეუსრულებლობის შემთხვევაში.

11. ხელშეკრულების პირობების შეუსრულებლობა

11.1 ფორს-მაჟორული პირობების გარდა, შემსყიდველი უფლებამოსილია „მიმწოდებლის“ მიერ ხელშეკრულების პირობების ხარვეზით შესრულების შემთხვევაში გამოიყენება პირგასამტეხლო შემდეგი პრინციპით:

ა) თუ თვის განმავლობაში თითოეულ მიმართულებაზე ხარვეზით განხორციელებული ან/და განუხორციელებელი მომსახურების რაოდენობა არ აღემატება 3 დღეს (ზედიზედ ან ჯამში), მიმწოდებელს დაკისრება პირგასამტეხლო ხარვეზით განხორციელებულ და/ან განუხორციელებელ მომსახურების ყოველ დღეზე მიმართულების ჯამური ღირებულების 1%-ის ოდენობით.

ბ) იმ შემთხვევაში თუ ერთი თვის განმავლობაში ხარვეზით განხორციელებული და/ან განუხორციელებელი მომსახურება თითოეულ მიმართულებაზე გადაჭარბებს 3 დღეს, მიმწოდებელს დაკისრება პირგასამტეხლო ხარვეზით განხორციელებულ და/ან განუხორციელებელ მომსახურების ყოველ დღეზე მიმართულების ჯამური ღირებულების 5%-ის ოდენობით. ამ შემთხვევაში ამავე მუხლის 11.1 პუნქტის „ა“ ქვეპუნქტში გათვალისწინებულ 3 დღეზეც გამოიყენება ამ ქვეპუნქტში მითითებული პირგასამტეხლოს მოცულობა.

გ) მიმწოდებლის მიერ 2016 წლის სექტემბრის თვეში თითოეულ მიმართულებაზე ხარვეზით განხორციელებული ან/და განუხორციელებელი მომსახურების რაოდენობა არ აღემატება 2 დღეს (ზედიზედ ან ჯამში), მიმწოდებელს დაკისრება ხარვეზით განხორციელებული და/ან განუხორციელებელი მომსახურების ყოველ დღეზე პირგასამტეხლო იმ მიმართულების ჯამური ღირებულების 1%-ის ოდენობით.

დ) ხოლო 2016 წლის სექტემბრის თვეში თუ ხარვეზით განხორციელებული მომსახურება ან განუხორციელებელი მომსახურება თითოეულ მიმართულებაზე გადაჭარბებს 2 დღეს, მიმწოდებელს დაეკისრება ხარვეზით განხორციელებული და/ან განუხორციელებელი მომსახურების ყოველ დღეზე პირგასამტეხლო იმ მიმართულების ჯამური ღირებულების 5%-ის ოდენობით. ამ შემთხვევაში ამავე მუხლის 11.1 პუნქტის „გ“ ქვეპუნქტში გათვალისწინებულ 2 დღეზეც გამოიყენება ამ ქვეპუნქტში მითითებული პირგასამტეხლოს მოცულობა.

ე) იმ შემთხვევაში, როდესაც მიმწოდებელი ვეღარ ასრულებს წინამდებარე ხელშეკრულებით გათვალისწინებულ მოვალეობას, აღნიშნული განიხილება, როგორც ხელშეკრულების არაჯეროვანი შესრულება და შემსყიდველი უფლებამოსილია ცალმხრივად შეწყვიტოს ხელშეკრულება და გამოიყენოს მიმწოდებლის მიერ წარმოდგენილი ხელშეკრულების შესრულების უზრუნველყოფის გარანტია სრული ოდენობით.

ვ) იმ შემთხვევაში, თუ მიმწოდებელი დროზე ადრე მოითხოვს ხელშეკრულების შეწყვეტას აღნიშნული განიხილება, როგორც ხელშეკრულების არაჯეროვანი შესრულება და ასეთ შემთხვევაში შემსყიდველი უფლებამოსილია გამოიყენოს მიმწოდებლის მიერ წარმოდგენილ ხელშეკრულების შესრულების უზრუნველყოფის გარანტია სრული ოდენობით.

ზ) წინამდებარე ხელშეკრულების მე-5 მუხლის 5.4 პუნქტით მოთხოვნილი საავანსო საბანკო გარანტიის დადგენილ ვადაში წარმოუდგენლობის შემთხვევაში მიმწოდებელს დაეკისრება პირგასამტეხლო ხელშეკრულების ჯამური ღირებულების 10 %-ის ოდენობით.

11.2 პირგასამტეხლოს გადახდა მიმწოდებელმა უნდა უზრუნველყოს შემსყიდველი მიერ წერილობითი მოთხოვნის მიღებიდან ერთი თვის ვადაში.

11.3 პირგასამტეხლოს გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

12. სადაო საკითხების გადაწყვეტა

12.1 შემსყიდველმა და მიმწოდებელმა ხელშეკრულების ან მათან დაკავშირებული გარემოებების ირგვლივ წარმოშობილი ყველა უთანხმოება და დავა უნდა მოაგვარონ ურთიერთშეთანხმების გზით.

12.2 მხარეებმა, სადაო საკითხების შეთანხმების გზით მოგვარების შეუძლებლობის შემთხვევაში კანონმდებლობით დადგენილი წესით შეუძლიათ მიმართონ სასამართლოს.

13. ფორს-მაჟორი

13.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

14. ხელშეკრულებაში ცვლილებების შეტანა და ხელშეკრულების შეწყვეტა

14.1 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა

საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

14.2 საქართველოს სამოქალაქო კოდექსის 398-ე მუხლით გათვალისწინებული გარემოებების და-დგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

14.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

14.4 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14.5 ხელშეკრულების შეწყვეტა შემსყიდველს არ ართმევს უფლებას გამოიყენოს მიმწოდებლის მიერ შემსყიდველისათვის წარდგენილი ხელშეკრულების შესრულების საბანკო გარანტია. ასევე, შემსყიდველს არ ართმევს უფლებას დააკისროს მიმწოდებელს პირგასამტეხლო წინამდებარე ხელშეკრულებით გათვალისწინებული პირობებით.

15. ხელშეკრულების მოქმედების ვადა

ხელშეკრულება ძალაში შედის მხარეთა მიერ ხელმოწერისთანავე და მოქმედებს -----
ჩათვლით, მხარეთა მიერ ხელშეკრულებით ნაკისრი ვალდებულებების სრულ შესრულებამდე.

16. სხვა პირობები

16.1 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

16.2 ხელშეკრულება შედგენილია 3 ეგზემპლარად და თითოეულ მათგანს თანაბარი იურიდიული ძალა აქვს. ხელშეკრულების ერთი ეგზემპლარი ინახება „მიმწოდებელთან“, ორი ეგზემპლარი - „შემსყიდველთან“.

მხარეთა რეკვიზიტები:

რეკვიზიტები:

პრედენდენტის დასახელება:

ხელმძღვანელის სახელი და გვარი:

პრეტენდენტის მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი:

მომსახურების ხარჯთაღრიცხვა

ხელმოწერა:

ბეჭედი: